

Na osnovu člana 3. stav (1) tačke d) Zakona o platama i naknadama u institucijama Bosne i Hercegovine ("Službeni glasnik BiH", br. 50/08, 35/09 i 75/09) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine na 5. sjednici, održanoj 18. aprila 2012. godine, donijelo je

**ODLUKU
O VISINI OSNOVICE ZA OBRAČUN PLATE ZAPOSLENIM U INSTITUCIJAMA
BOSNE I HERCEGOVINE**

Član 1.
(Predmet Odluke)

Ovom Odlukom utvrđuje se visina osnovice za obračun plate zaposlenim u institucijama Bosne i Hercegovine u skladu sa članom 3. stav (1) tačka d) Zakona o platama i naknadama u institucijama Bosne i Hercegovine.

Član 2.
(Visina osnovice)

Osnovica za obračun plate zaposlenim u institucijama Bosne i Hercegovine utvrđuje se u iznosu od 475,69 KM.

Član 3.
(Institucije odgovorne za provođenje Odluke)

Za realizaciju ove Odluke zadužuju se institucije Bosne i Hercegovine na koje se ova Odluka odnosi i Ministarstvo finansija i trezora Bosne i Hercegovine.

Član 4.
(Prestanak važenja)

Danom početka primjene odredbi ove Odluke prestaje da važi Odluka o visini osnovice za obračun plate zaposlenim u institucijama Bosne i Hercegovine ("Službeni glasnik BiH", broj 58/09).

Član 5.
(Stupanje na snagu)

Ova Odluka stupa na snagu danom stupanja na snagu Zakona o Budžetu institucija Bosne i Hercegovine i međunarodnih obaveza Bosne i Hercegovine za 2012. godinu i objavljuje se u "Službenom glasniku BiH", a primjenjivat će se od 01.05.2012. godine.

VM broj 45/12
18. aprila 2012. godine
Sarajevo

**Predsjedavajući
Vijeća ministara BiH
Vjekoslav Bevanda**